



## МЕСЯЦА ОКТЯБРЯ В 10-Й ДЕНЬ

### Святых мученик Евлампия и Евлампіи

На Господи, возвах: стихиры, глас 4.

Подобен: Яко дбля:

**П**росвѣщшеса Духом Святым, прехвальнии мученицы, / к кознем миродержителя ополчистеса / и, сего мужески побеждше, / Божественным пособием на него дблествовасте. / Тем днесь светлую вашу память совершающе, / по долгу хвалами ваша почитаем страдания, пресловущии.

**И** огню смесившеса, и мукам, святии, / непреклонни мудрованіем пребысте, / и, яко свещи, вжѣгшеса теплотою Духа, / просветили естѣ верных сердца благодатию. / Тем всяк возраст и род / празднует святую вашу память, / песнословяще Господа.

**Б**огомудрый Евлампий и Евлампія всечестная, / двоица Божественная, / возсиявше, яко звезды многосветлы, тварь просвещают / подвижсияньми и чудес светлостьми, / сих днесь всесвященную память совершающе, / с веселием покланяемса раце мощей ваших.

Слава, глас 4. Иоанна монаха:

**Б**ратолюбію единоимение срастворшеся / и чистота, безстрастію сочетавшися, / без вреда сохраните нравное благосердіе, / идеже бо Бог желаем, мир весь небрежетса. / О чудесе! змий

умертвися, / и на высоту неправду глаголавый  
подземный, / самобратных мучением низпадé, /  
Евлáмпия мудраго и Евлампíи. / К нимже духов-  
ными песньми возопíим: / иже добре течение о  
Христе совершившии, / просíte мира миру и  
душам нашим вéлия милости.

**И ныне, Богородичен или Крестобогородичен.**

Подобен: Яко добля:

**Агница и Пастыря, Тя на Древе яко виде, /**  
**Агница рождающая рыдаше и матерски Ти**  
**вещáше: / Сыне Возжеленне, / кáко на Древе**  
**Крестнем повéшен еси, Долготерпеливе? / кáко**  
**руце и нóзе Твои, Слове, / пригвоздишася от**  
**беззаконных, / и Кровь Твою излиал еси,**  
**Владыко?**

На стиховне Октоиха.

Слава, мучеников, глас 4. Самогласен:

**Троичным светом самобратный сопрúг**  
**просвещáся, / мучителей суровствó низложí. / Тем**  
**и пламень поправше, ликовствовáху, поюще: / се**  
**ныне что добрó или что краснó, / но еже жíти**  
**братии вкупе, / и, к Божественней славе зряще, /**  
**Небесныя славы сподобишася, / Христа Бога о**  
**нас всегда моляще / спастися душам нашим.**

**И ныне, Богородичен или Крестобогородичен.**

Подобен: Яко добля:

**На Кресте Тя яко узрé / пригвождéна,**  
**Господи, / Агница и Мати Твоя дивляшеся / и, что**  
**видéние сие, взываше, / Сыне Возжеленне, / сия**  
**Ти неверный собор воздаде беззаконный, / иже**  
**многих Твоих чудес насладивыйся; / но слава**  
**неизглаголанному сошествию Твоему, Владыко.**

Тропарь, глас 4:

**Мученицы Твои, Господи, / во страдáниях сво-**  
**их венцы прияша нетленные от Тебе, Бога**  
**нашего: / имуще бо крепость Твою, / мучителей**  
**низложíша, / сокрушиша и демонов немощныя**  
**дёрзости. / Тех молитвами / спаси души наша.**

#### НА УТРЕНИ

Оба канона Октоиха и святых канон на 4, егоже краегранé-  
сие: Самобратное пою сопряжение. Феофаново. Глас 4.

Песнь 1

**Ирмос: Мóря чермнóю пучíну / невлáжными стопáми /**

древний пешешествовав Израиль, / крестообразными Моисеевыми руками / Амаликову силу в пустыни победил есть.

**Любовию** Христовою распалюемь, мучениче Евлампие, / мирское отвергн еси омрачение; / Небесному же, премудре, приблизился еси тепле Свету невестественному, всеблаженне.

**Рачение** еже к Богу твое, премудре мучениче Евлампие, / мучений преврати стремление, / воздержанием же и стоянием демонская попали ополчения истинно, многохвальне.

**Укрепив** Богоглаголивим твоим языком воинство мученическое, / привел еси ко Христу совокупление Божественное, многобогатное уловление / и приемля с ними венцы нетленные, пребогате.

**Богородичен:**

**С** высоты во чрево Твое, Пречистая, пришед Бог, / плоть быв, произыде явственно, падшия возвышая к Себе, / сынопологая благодатию земныя, Всепетая Дево Чистая.

### Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Возвысити** враг прелести лукавное писание душетленно хотяще, / но того в пропасть низвергн еси.

**Любовию** братнею распалаема, / ко Христове доброте, отроковице, притекла еси яве, / мученице Евлампие приснословущая.

**Богородичен:**

**Безсеменно** Божие Слово, Отроковице, / во чреве Твоем приемши неслиянно, / паче ума, Пречистая, нам родила еси.

**Седален, глас 8.**

**Подобен:** Премудрости:

**Мучений** облаки темныя, страдальцы, прешедше терпеливно, / яко солнце, благодатию Спасою возсияете; / братскою же любовию Божественне связаемы, / подобными болезнями светло украситесь. / Тем по кончине безконечную благодать от высоты прияте / исцеляти недуги,

Господни угодницы;/ моли́те Христа Бога грехов оставление подати/ чтущим любовь святую память вашу.

**Слава, и ныне, Богородичен:**

**В** напа́сти многоплетённая впад от враг видимых и невидимых,/ бурею одержим безчисленных согрешений моих,/ и, яко к теплому заступлению и покрову моему, Чистая,/ ко пристанищу притекаю Твояя благодати./ Темже, Пречистая, из Тебе воплощенному безсе́менно/ молися прилежно о всех рабех Твоих,/ непрестанно молящих Ти ся, Богородице Пречистая,/ молящи Его присно согрешений оставление даровати/ воспевающим достойно славу Твою.

**Крестобогородичен:**

**А**гница и Пастыря, и Избавителя/ Агница зрящи на Кресте, восклицаше, плачуци,/ и, горько рыдаючи, вопияше:/ мир убо радуется, приемля Тобою избавление,/ утроба же Моя горит, зрящи Твое распятие,/ еже терпиши за милосердие милости./ Долготерпели́ве Господи, милости бездно и источниче неисчерпаемый,/ уми́лосердися и даруй согрешений оставление/ верою поющим Божественныя Страсти Твоя.

**Песнь 4**

**Ирмос:** Вознесена Тя видевши Церковь на Кресте,/ Солнце праведное,/ ста в чине своем,/ достойно зываючи:/ слава силе Твоей, Господи.

**Любве ради Зиждителя, о страстотерпцы,/ всю мирскую лесть истинно презревше,/ Единого возжелесте Христа, зывающе:/ слава силе Твоей, Господи.**

**Наступивше на пещный пламень и поправше сего, мученицы,/ росою с Небес Божественно обогатитесь, Христу зывающе:/ слава силе Твоей, Господи.**

**Просвещшися Троичным сиянием, мучеников дбляя верста/ идольское разруши омрачение, Христу зывающе:/ слава силе Твоей, Господи.**

**Богородичен:**

**Носимое смертное стремление, Дево,/ Ты, Христа рождши нетленно, Марие, устави́ла еси,/**

сочетавши Безплотным чином рóды земных, Пренепорочная.

**Песнь 5**

**Ирмос:** Ты, Господи, мой свет / в мир пришел еси, / Свет Святой, обращаай из мрачна неведения / верою воспевающия Тя.

**Не превратиша вас приложения мучений, твёрди, / на камени бо Спáсове / душевныя ваша ноги яве утвердíte.**

**Побéждше крепко лести первоначальнаго, / упразднисте идольския кровныя жертвы / кровей ваших лиянием, славнии.**

**Богородичен:**

**Отъяла еси клятву, / яко Радость рождши, обожившую земныя, / Бога Твоима рукама носивши, Мати Богоневесто.**

**Песнь 6**

**Ирмос:** Пожру́ Ти со гласом хвалéния, Господи, / Церковь вопиет Ти, / от бесóвския крóве очíщися, / радí милости от ребр Твоих / истékшею Кровию.

**Целение душетленных страстей / явíшася ваша крóви всем, страсотерпцы, / верою притекающим к Божественней и всесветлей ра́це, преблагеннии.**

**Законно за Христа пострадавше, славнии, / обогатистеся венцем нетленным истинно, преблагеннии, / и Царство Небесное, и Божественное наслаждение приясте.**

**Богородичен:**

**Обрёт Тя посреде́ тёрния, Пренепорочная, / яко пречистый крин и юдóльный цвет, о Богомати, / Жених во чреве Твоем плоть бысть.**

**Кондак, глас 3.**

**Подобен: Дева днесь:**

**Дóбля мученики и братию по плоти, / мудраго Евлámпия и Евлампи́ю, почтим: / тии бо пребеззаконных кознодéйства посрамíша силою Распéншагося: / сего ради явишася мучеников слава, купно и похвала.**

**Икос:**

**Двóицу, вернии, страсотерпцев днесь в песнях священных и пениих похва́лим, / яко леть идольскую низложиша, многобожия огонь испепе-**

лиша и демоны посрамиша;/ мучителей же ярости не устрашишася,/ меча убо и огня не убо-яшася, ниже зверей стремления,/ доблественно подвизавшеся добре, Евлампий славный с честною Евлампіею и со страдальцы,/ явльшеся мучеников слава, купно и похвала.

### Песнь 7

**Ирмос:** В пещи Авраамстии отроцы персидстей,/ любви благочестия паче,/ нежели пламенем, опалѣми, взываху:/ благословен еси в храме славы Твояе, Господи.

**Разумом** Божественным обогащен, мучениче приснопамятне,/ все томление укорил еси истинно злочестивых, Евлампіе, поя:/ благословен еси в храме славы Твояе, Господи.

**Яко** потекше к любви истинно Создавшаго,/ Божественно сочетаетесь, о страдальцы, якоже плотию и духом, поюще:/ благословен еси в храме славы Твояе, Господи.

### Богородичен:

**Страннолѣпно** Ты Отчее, Дево, зачала еси Слово во чреве Твоем, Пречистая,/ и плотию родила еси зовущим:/ благословена Ты в женах еси, Всенепорочная Владычице.

### Песнь 8

**Ирмос:** Руце распростер Даниил,/ львов зияния в рове затче;/ огненную же силу угасиша, добродетелию препоясавшеся,/ благочестия рачители,/ отроцы, взывающе:/ благословите вся дела Господня Господа.

**Вас,** страдальцы славнии, не возмогша разлучити от любви Христовы мук умножения:/ ни огонь, ни раны, премудрии, ни конобная врения, ни острота меча,/ но победиште, вопиюще:/ благословите вся дела Господня Господа.

**Ныне** вместо болезней благовременно вы Царством Божиим обогатитесь, славнии страдальцы,/ приснословущий Евлампіе с Евлампіею, честною девою мученицею, вопиюще:/ благословите вся дела Господня Господа.

### Богородичен:

**Яко** Едина рождши Бога, Мати Безневестная, безсеменным рождеством, Чистая,/ Сего милости-

ва сотвори, Владычице, / сохранился стаду Твоему от искушения врагов, вопиюще Христу: / благословите вся дела Господня Господа.

**Песнь 9**

**Ирмос:** Камень нерукоусечный / от несекóмыя горы, Тебе, Дево, / краеугольный отсечёся, / Христос, совокупивый разстоящаяся естества. / Тем, веселящися, Тя, Богородице, величаем.

**Течением кровей прелесть идольскую, страстотерпцы мученицы, разрушите, / мучения вашего восприёмше мзду, / Небесное жилище и пребывающий покой.**

**Се вместо тьмы, юз же, и огня, и ран, страстотерпцы, / Свет присносиянный вам, пространство и восхлаждение радостное, / полезныя благодати удобно подадётся, мученицы славнии пребогáтии.**

**Течение совершивше Божественное вашего честнаго страдания, / в светлостех Божиих водворяетесь, идеже лица Ангельских чинóв, / и множества праведных, и мученик собори, о приснопамятнии.**

**Богородичен:**

**Пророческая ныне проречения конец прияша, Дево, Отроковице, / Плотноснаго Бога нам рождши Ты, Всечистая. / Тем еже радуйся, Владычице, со Ангелом зовем Ти.**

**Светилен.**

**Подобен: Жены, услышите:**

**В лепоту самобратное страстотерпцев сдохновение, / Евлампий Богомудрый и честная Евлампія, / званием обогáщшися от Божественнаго предзнáния: / тварь бо просвещают мученическими зарями и исцелений сияньми.**

**Богородичен:**

**Из Тебе Пресущественный Бог, Чистая, / в смешение человеческого существа многим милосердием одёся, / не смесив уведения обоих, Отроковице, естеств, / но Един Сын быв по обоёму и по Рождестве.**



В  
ТОЙЖЕ  
ДЕНЬ

## Святителя Васи́лия (Васси́ана), чудотворца

На Господи, возвах: стихиры, глас 5.

Подобен: Радуйся:

**Подвигни с собою, свя́те, / Безплотныя вся силы, пророки и апостолы, / мученики и святители с постники, / моли́те за ны прегрешением отпуст даровати, / егда́ сядет на Престоле Бог, / воздая кому́ждо противу делом его. / Тем ти вопием немолчно, прехвальне, молящеся Христу, / мольбами своими даровати нам мир и велию милость.**

**Верою соше́дшеся вси, / славим Христа Бога псалмы и песньми духовными, / поюще и препоще в сердцах наших Господеви, / дарующему повсюду дар исцеления святителем Своим Василием, / егоже даст нам на помощь и избавление. / Тем припадаем державе Твоей, Владыко, просяще избавления зол, / имиже одержими, к Тебе вопием: / даруй душам нашим мир и велию милость.**

**Троице Пресвятей прилежно за ны молися, преподобне, / болезней страсти вся прогнати творящих верою и любовию память твою, свя́те, / да избавлени бывше твоими молитвами от зол, / Христа славим, Избавителя нашего, давшаго нам на помощь избавление. / Тем ти радость вопием, прехвальне, / победу нам свеще испроси на противныя враги твоими молитвами / и миру даровати велию милость.**

Канон, глас 6.

Песнь 1

**Ирмос: Волно́ю морско́ю / скрýвшаго дрéвле гонителя мучителя, / под землею скрýша спасенных óтроцы; / но мы, яко отрокови́цы, / Господеви поим, / славно бо прославися.**

**Отче свя́те Василие, не домышляюся, како исплести слово похвале твоей, / но молю ти ся, свя́те, / подаждь ми ум умилению воспевати святыни твоя Божий дар.**

**Хвалы достойны возснем вси Дающему нам обильно исцеление / святителем Своим славным**



Василием, / воистину бо славящая Его просвещает Господь.

**Престолу предстоя, святе, со Безплотными силами, / Владыце, помолися за люди своя, избавитися от всех зол и наход, / противных супостат покори нам.**

**Богородичен:**

**Волны греховныя мя потопляют бурей, / но в пристанище тихо щедрот Твоих, Владычице, настави мене ныне молитвами святителя Твоего Василия, / радуйся, вопия неизреченное Твое житие.**

### Песнь 3

**Ирмос: Тебе, на водах / Повесившаго всю землю неодолимо, / тварь видевши на лобнем висима, / ужасом многим содрогашеся: / несть свят, / разве Тебе, Господи, взывающи.**

**Тебе, отче Василие, Христос Бог дарова на помощь земным, / видевшим ныне дарование исцелением чудесно дивимся, вопиюще: / несть бо свята, разве Давшаго ти силу.**

**Тебе припадаем, святе, немолчно вопиюще непрестанно, / угаси страсти наша исцелением: / несть бо свята разве Иисуса Христа, давшаго ти силу.**

**Чудотворче Василие, Владыце помолися непрестанно / невидимыя враги наша и видимыя прогнати от нас / и победу свыше испроси у Христа Бога верным людем Его.**

**Богородичен:**

**Тебе, Пречистая Владычице, имуще град непобедим, / в немже избавляеми от всех напастей, к Сыну Твоему вопиюще: / несть свята, разве Тебе Бога, рождшагося от Тебе.**

**Седален, глас 1.**

**Подобен: Гроб Твой, Спасе:**

**Гроб твой, святе, источник явися, / источая исцелений благодати / всегда верою приходящим к мощем твоим, блаженне. / Тем вопием и мы: / молитвами твоими / сподоби ны исцеление прияти от страстей наших.**

### Песнь 4

**Ирмос: На Кресте Твое Божественное истощание провидя, / Аввакум ужасся, вопияше: / Ты сильных пре-**

сѣкл еси державу, Блáже, / приобщáяся сущим во аде /  
яко Всесíлен.

**На** Небеси со Ангелы ликовствуя, светом  
озаряя Неизреченнаго Божества, / имбй дерзнов-  
ение, за ны помолися / даровати нам исцеление  
и грехов отдание.

**И**муще чéстно гроб твой, в немже, прирiщу-  
ще, исцелéния дары приемлем, / тем твою память  
чтим, святе Василие, / Христа Спаса славяще яко  
Всемогуща.

**Ко** Христу воздев пречистей руке, презря  
соблазны наша, / Владыце помолися избавити-  
ся нам от всех напастей, / мир свыше испроси  
всей вселенней.

**Богородичен:**

**На**дежда явiся роду земному, породжди сугу-  
ба Бога и Человека, / вbну молися Ему страсти  
избавитися нам, / творящим празднество слуги  
Твоего Василия.

#### Песнь 5

**Ирмос:** Богоявлéния Твоего, Христе, / к нам милостив-  
но бывшаго, / Исáия свет видево невечерний, / из нóщи  
úтреневав, взывáше: / воскреснут мёртвии, / и востанут  
сущии во гробéх, / и вси земнорóднии возрадуются.

**Богомудраго** Твоего, Христе, святителя день  
славяще, державу Твою, / из нощи вопиюще Ти,  
Господи, / грехов оставление просим и недугом  
целение, да и мы, земнии, обрадуемся.

**И**мея дерзновение к Богу, / за нас Владыце  
помолися мрак грехов отгнати от нас и свет  
вселенней даровати, верою притекающим Ти, /  
да радостию Христу вопием: / дивен еси, Боже, во  
святых.

**В**ерою вооружься, демонския полки попрал  
еси / и страсти плотския победи / да, свобóбдься  
от них, прославляю твою память славою Бога  
непрестанно, / давшего Ти причастие славы  
Своея.

**Богородичен:**

**Бо**гу явится за милосердие хотящу, / к нам  
Исаия пророк Духом вопияше Твоим: / се Дева  
примет во чреве и родит Сына Божия, / Иже  
возстави падшаго Адама и вси, иже с Ним,  
возрадовашася.

## Песнь 6

**Ирмос:** Ят бысть, / но не удержан в персех китовых  
Ибна, / Твой образ нося, / Страдавшаго и погребению  
давагося, / яко от чертога, от зверя изыде, / приглаша-  
ше же кустодии, / хранящии суетная и ложная, / милость  
сию оставили есте.

**Ангельски** на земли пожив, в Небесныя обите-  
ли, святителю, преселися, / в свете Неизреченна-  
го Божества предстоя, / яко имея дерзновение к  
Нему, помолися, святителю, / испроси молитвами  
твоими нам мир свыше и велию милость душам  
нашим.

**Во** всю землю изыде глас твой, возбуждая  
сидящая во мраце, / одержимыя лестию грехов-  
ною, призывая на Свет невечерний, / наньже  
молю ти ся, настави мя молитвами своими, / тебе  
бо нам Христос дарова на помощь и избавление.

**Чудеса** сияя, яко солнце в мире, Василие, /  
просвещая омраченныя и бесы отгоняя молитва-  
ми твоими, тем ти вопием: / прожени от нас  
видимыя враги и невидимыя, Милостивому Богу  
моляся за ны.

**Богородичен:**

**Пречистая** Владычице, пророком сбытие, апо-  
столом радость, / человеком утверждение, святит-  
телем слава, / славы вечныя общник быти  
сотворив, / Тя бо имам Молитвенницу Чисту к  
Сыну Твоему, Госпоже, и Богу нашему.

## Песнь 7

**Ирмос:** Неизреченное чудо, / в пещи Избавивый препо-  
добныя отроки из пламене, / во гробе мертв бездыханен  
полагается / во спасение нас, поющих: / Избавителю Бо-  
же, благословен еси.

**Прожени** от нас, преподобне, страсти вся и  
болезни твоими молитвами, / за ны молися Хри-  
сту прославльшаго тя на спасение нам, поющим, /  
Избавителю Боже, благословен еси.

**Имея** дерзновения к Богу за ны молитися,  
святые Василие, / непрестанно вопия к Богу Вла-  
дыце, прославльшаго тя на спасение нам,  
поющим: / Избавителю Боже, благословен еси.

**Приими** от нас, святые, молебную песнь, юже ти  
приносим, / Христа, прославльшаго тя на спасе-  
ние нам, поющим: / Избавителю Боже, благословен  
еси.

**Богородичен:**

**Припадаем** Ти, Пречистая Владычице, грехми одержими / и молим Ти ся, моли Рожденнаго из Тебе на спасение нам, поющим: / Избавителю Боже, благословен еси.

**Песнь 8**

**Ирмос:** Ужаснѣся, бойся Небо, / и да подвижатся основания землі: / се бо в мертвецѣх вменяется в Вышних Живѣй / и во гроб мал страннопріемлется. / Егоже, отроцы, благословите, / священницы, воспойте, / людие, превозносите во вся веки.

**Отче** Василие, помяни ко Господу творящих ти память, / се убо твоими молитвами бед всех избавимся, да радостию Христу вопием: / дети, благословите, священницы, воспойте, людие, превозносите во вся веки.

**Варѣ** к Богу твоими молитвами избавити ны от настоящаго гнева и вся страсти и недуги прожени от нас, / чтущих твою святыню и вопиющих: / дети, благословите, священницы, воспойте, людие, превозносите во вся веки.

**Богородичен:**

**Безстрастнаго** рождши Христа, / обложена мя страстьми, свободи Твоими молитвами, Пречистая, / прогоняющи недуги моя и дающи крепость вопити: / дети, благословите, священницы, воспойте, людие, превозносите во вся веки.

**Песнь 9**

**Ирмос:** Не рыдай Мене, Мати, / зрящи во гробе, / Егоже во чреве без семене зачала еси, Сына: / востану бо, и прославлюся, / и вознесу со славою непрестанно яко Бог / верою и любовью Тя величающия.

**Приими** от нас, Христе Боже, молебную песнь, / юже Ти приносим, чтуще память святителя Твоего, / и подаждь оставление грехом, да Ты непрестанно, Христе, песнями возпевающе, возвеличим.

**Возведем** очи свои на Небо, умы своя духом вперивше, Вышняго мудрствующе / и Вышних желающе вечных благ насладитися / молитвами Твоего, Владыко Христе, преславнаго святителя Василия.

**Троице** Пресвятей, святе, за ны помолѣся, / деснаго стояния сподоби нас и пищи вечныя, /

наслаждение улучшить ны сподоби, да верою и любовью тебе величаем.

**Богородичен:**

**Свободителя, Дево, породивши прадедом, / греховною ны лестию порабощены, Чистая, Твоими молитвами свободы, / Сына Твоего молящи, да непрестанно Тебе, Богородице, величаем.**

**В  
ТОЙЖЕ  
ДЕНЬ**



**Святых преподобномученик двадесяте и шести,  
во священной обители Зографския  
скончавшихся**

**Тропарь, глас 1:**

**Тревеличайшия светильники, / всех преподобномученик Богоизбранный полк, / двадесять и шесть Божественныя обители Зографския отец, почтим, / прелесть латинскую обличившия / и насильственно во огни скончавшиися; / Фому пастыреначальника, священнаго Варсонофия, / достославнаго Парфения и прочия, подвизавшиися, / сошедшеся, песньми почтим, / сии бо Троицу Святую / присно о нас умоляют.**

**Слава, глас 3:**

**Столп истинный великия похвалы, / обители Зографския защита и заступление, / мученицы отцы да восхвалятся, / леть папистов низложившия / и во огни венцев сподобившиися, / ихже песньми по долгу почтим, / молящихся о спасении душ наших.**

**И ныне, Богородичен, глас тойже.**

**Кондак, глас 8.**

**Подобен: Взбранной:**

**Иже обители нашея заступницы и хранителие, / преподобнии отцы да похвалятся, / леть латинян отвергшия / и, огнем сожженныя, скончавшиися и венчавшиися, / ихже достойно воспоим, зовуще: / радуйтеся, преподобнии мученицы.**

**Икос:**

**Ангелу с Небесе безбожную гордыню латинян поразившу и показавшу, / како преподобнии во**

огни сожегахуся благочестия ради, / иже и скончались благочестно избравшия, / мучителю дерзость посрамившия, да услышат от нас таковая: / радуйтесь, сонме преподобномученик; / радуйтесь, полче преславный; / радуйтесь, твердая дружино многохвальная; / радуйтесь, двадесяте и шестерице преподобных; / радуйтесь, Фомо с прочими мученики; / радуйтесь, Божественный Варсонофие со Михеем твердым; / радуйтесь, Дометиане, Мино с Павлом светлейшим; / радуйтесь, Антоние, Евфимие и Иларионе; / радуйтесь, со Парфением Иоасафе и Симоне; / радуйтесь, два Иакова купно со Иоанникием; / радуйтесь, Мартиниане купно со Космою и Сергием; / радуйтесь, Киприане, Кирилле, Йове и Савво светлейшии; / радуйтесь и четверице прехвальная подвижник светлых; / радуйтесь, преподобнии мученицы.



### Собор всех святых Волынских

Тропарь, глас 4:

Приспé день светлаго торжества, / людии Волынстии радуются, / и с ними вся Российская Церковь ликовствуёт / во псалмех и пениях, и песнях духовных, / днесь бо, якоже солнце незаходимое, / всем возсия память / святых и Богомужных угодников и чудотворцев Волынских / святителя Стефана чуднаго, / иерархом Волынским первопрестольника, / и святого благовернаго Ярополка, / блаженнаго страдальца Богомужнаго, / и с ними Амфилохия, святителя Волынскаго, / и победоноснаго Феодора, Острожскаго князя Богодарованнаго, / и преподобнаго Иова Почаевского присноблаженнаго, / ихже молитвами, Господи, / землю отеческую нашу в Православии и мире утверди, / и спаси всех имуще купно о нас Молитвенницу усердную, / Пресвятую Матерь Свою Богородицу, / благодатне сияющую в цельбоносней стопе Своей / и

В  
ТОЙЖЕ  
ДЕНЬ

чудотворней иконе на горе Почаевстей /и заступленьми прочих угодников Вольтинския паствы,/ Иулиании, блаженныя девы Ольшанския,/ и святаго преподобномученика Макария, архимандрита Овручскаго.

**Ин тропарь, глас 4:**

**Приспé** день светлаго торжества,/ обитель Печёрская радуется/ и с нею благословенная Почаевская Лавра ликовствуёт/ во псалмех и пении, и песнях духовных,/ днесь бо, якоже солнце незаходимое,/ всем возсия память/ преподобных и Богоносных отец Печерских,/ от нихже волею Божиею изыдоша/ первоначальницы иноческаго жития на горе Почаевстей,/ ихже молитвами, Господи,/ землю отечественную нашу в Православии и мире утверди/ и помилуй всех, имуще купно о нас Молитвенницу и Заступницу усердную,/ Пречистую Матерь Свою Богородицу,/ от лет древних благодатне сияющую в цельбоносней стопе Своей/ и чудотворней Своей иконе во обители Почаевстей/ в просвещение и спасение душ наших.

**Кондак 8:**

**Избранным** чудотворцам и изрядным угодником Вольтинския земли,/ похвальная восписуем вам, святии:/ Ярополче святой, Стефане, Амфилохие, Феодоре,/ Иулиание, Иове и Макарие, присноблаженнии!/ Тем яко имущии благодать и милость у Христа Бога нашего,/ от всяких нас бед свободите/ да вину вашу помощию избавляемии, вопием вам благодарне:/ радуйтесь, преславнии угодницы Божии и земли Вольтинския украшение.

**Ин кондак, глас 8:**

**Избранныи** от родов угодницы Божии,/ преподобнии Печёрстии:/ Меркурие и Симеоне, Акидине же, Лукиане, Памво и Поликарпе,/ Авраамие, Алексие, Евстафие, Елладие, Ефреме, Иерониме,/ Лукó, Меладие, Онисиме, Персии, Павле, Сергии,/ Сисо́е и Феофиле, Анатолие же, Афанасие, Исидоре, Кассиане,/ Лаврентие, Пафну́тие, Пи́бре, Сисо́е второй и Софроние/, от нихже изыдоша первоначальницы/ иноческаго

жития на горе Почаевстей, / вас не потайла есть земля, / Небо же и райския селения отверзюшася вам. / Темже мы, похвальная песни Богу, / прославльшему вас в памяти вашей, приносяще / и честный Собор ваш вселюбезно почитающе, / из глубины душевныя вопиём вам: / от всех бед вашими молитвами заступайте нас, зовущих, / радуйтеся, Печерстии чудотворцы / и обители Почаевския слава и утверждение.



**Святителя Амфилохия,  
епископа Владимиро-Волынского**

**В  
ТОЙЖЕ  
ДЕНЬ**

**Тропарь, глас 4:**

**От мирскаго мятежа изшед, / в пещерах Киевских Феодосия блаженнаго Богомудренно вселился еси, / святителю Христов, отче Амфилохие, / и отсюду во епископа Богоспасаемей пастве Владимиро-Волынстей поставленный, / в трудех, бдениих и пощениих свято подвижался еси. / И тако достиг добродетелей совершенства, / паки в пещеры святыя возвратился еси, / идеже и дух свой благочестно предал еси Господеву, всечестне, / к лику преподобных Печерских причтен, / с ними же молися Христу, всечестне, / спаситися душам нашим.**

**Кондак, глас 8:**

**Звезду Волынскую, из пещернаго мрака от Киева возсиявшую, / и от Волыни вторбе пещеры заветныя житием своим / и блаженною кончиною, и прославлением своим озарившаго, / всеблаженнаго Амфилохия, архипастыря Владимиро-Волынского почтим, / просяще его, да в лике преподобных Печерских водворяясь, / молится купно с ними о душах наших.**



В  
ТОЙЖЕ  
ДЕНЬ



**Блаженнаго Андрѣя Тóтемскаго,  
Христа́ ради юрóдиваго**

Тропарь, глас 4:

**Т**ерпением и мѹжеством Христа рáди юрóд-  
ство восприял еси, блаженне Андрее, / в посте и  
бдении пребывая, / тягость зноя лѣтняго понесл  
еси, / и мрáзы зѣмнѣя терпя, / темже и ныне  
приходящим с верою к тебе, / исцеление неоскѹд-  
но подаёши, / моли Христа Бога спастися душам  
нашим.

Кондак, глас 8:

**В**ышнѣя красоты желая, / и нижнѣя сласти  
телесныя тощно\* оставил еси нестяжанием сѹет-  
наго мира, / Ангельское житие преходя, скончав-  
ся, Андрее блаженне, / с ними же Христа Бога  
моли́ непрестанно о всех нас.



\* тощно — усердно.